

Paerewa Paetae

Aronga	Tikanga ā-lwi 3.7		
Ingoa	Te tātari i te whakaawenga a te ahurea Māori i te tuakiri o Aotearoa		
Kaupae	3	Whiwhinga	4
		Aromatawai	Ā-roto
Marau akoranga	Te Marautanga o Aotearoa		
Kokonga akoranga	Tikanga ā-lwi		
Mana rēhita	Kua rēhitatia	Te rā i mana ai	17 Whiringa-ā-rangi 2016
Te rā e arotakengia ai	31 Hakihea 2020	Te rā i puta ai	17 Whiringa-ā-rangi 2016

Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Matua

Te Whakaritenga Pāpori me te Ahurea

I roto i te whenu o Te Whakaritenga Pāpori me te Ahurea ka whakawhanake mōhiotanga te ākongā ki:

- *ngā motika, ngā tūranga me ngā haepapa o te tangata i a ia e pāhekoheko ana i waenga rōpū.*
- *te hononga o te ahurea ki te tuakiri o te tangata me ngā putanga iho o te pāhekohekotanga ahurea.*

Whāinga Paetae

Tikanga ā-lwi

8.1 *Mā ngā whakapono tōrangapū e waihanga te porihanga, ā, e rerekē ana te urupare a te takitahi, a te rōpū rānei ki ēnei whakapono tōrangapū.*

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

<p>Paetae Te tātari i te whakaawenga a te ahurea Māori i te tuakiri o Aotearoa.</p>	<p>Hei tohu i te paetae:</p> <ul style="list-style-type: none"> • Ka matapaki i ngā āhuratanga matua o te tuakiri o Aotearoa, mai ngā tirohanga huhua. • Ka matapaki ko ēhea o ngā āhuratanga matua i ahu tika mai i te ahurea Māori, i ahu tāhapa mai rānei, ā, nā te aha i pērā ai. • Ka whakatau whakaaro mō te kaha o te whakaawe a te ahurea Māori i te tuakiri o Aotearoa, ka taunaki ai.
<p>Kaiaka He kaiaka te tātari i te whakaawenga a te ahurea Māori i te tuakiri o Aotearoa.</p>	<p>Hei tohu i te kaiaka:</p> <ul style="list-style-type: none"> • Ka matapaki ko ēhea o ngā āhuratanga matua i ahu tika mai i te ahurea Māori, i ahu tāhapa mai rānei, me ngā hua ka puta. • Ka whakatau whakaaro mō te kaha o te whakaawe a te ahurea Māori i te tuakiri o Aotearoa, ka āta taunaki ai.
<p>Kairangi He kairangi te tātari i te whakaawenga a te ahurea Māori i te tuakiri o Aotearoa.</p>	<p>Hei tohu i te kairangi:</p> <ul style="list-style-type: none"> • Ka matapaki ko ēhea o ngā āhuratanga matua i ahu tika mai i te ahurea Māori, i ahu tāhapa mai rānei, me ngā hua whānui ka puta ake. • Ka tino mātau te whakatau whakaaro mō te kaha o te whakaawe a te ahurea Māori i te tuakiri o Aotearoa, ā, ka pēhea pea tāna whakaawe tonu i te tuakiri o Aotearoa, ka taunaki ai.

Kōrero Āpiti

1. E whai ake nei ngā whakamārama o ngā tino kupu, kīanga rānei:

<p>ngā āhuratanga matua o te ahurea me te tuakiri o Aotearoa</p>	<p>Ko ngā tino āhuratanga o tō Aotearoa ahurea me tōna tuakiri, tae atu pea ki:</p> <ul style="list-style-type: none"> • te tikanga ruatanga • te tū tahi o ngā iwi i raro i te Tiriti o Waitangi • ō tātou reo • te pāhekoheko tahi o ngā tāngata o Aotearoa, o whenua kē hoki • te whenua me ā tātou mahi i runga i te whenua • ō tātou uara, ō tātou whakapono, ō tātou mātāpono • ō tātou waiaro ki tā tātou noho ki te ao • ō tātou rapunga whakaaro • ngā ia ā-motu • te takenga mai o ngā iwi • ā tātou tirohanga pāpori, tōrangapū • ngā toi.
--	---

tirohanga huhua	Ngā tirohanga a ngā tāngata o iwi kē, o whenua kē, he rerekē ngā uara, ngā whakaponu. Hei tauira: <ul style="list-style-type: none"> • ngā Māori, ngā Pākehā me iwi kē • ngā manuhiri • ngā mātātahi, ngā mātāpuputu • ngā tāngata hauā • ngā tāngata noho tuawhenua, noho tāone • ngā tāngata hāhi • ngā tāngata kei tēnā tirohanga tōrangapū, kei tēnā.
ngā hua whānui	Ngā hua ka whakaarohia, engari kāore tonu i āta kōrerotia. Tēnā pea he hua taiao, hua pāpori, hua ohaoha, hua hītori, hua matawhenua, hua tōrangapū, hua whaiaro rānei.
ka tino mātau te whakatau whakaaro	He āta tuitui kōrero i runga i te aronga hou, i te aronga auaha, he tūhura i ngā pānga rehurehu, he whakamahi i ngā pūkenga whakaaro ikeike pērā i te whakahiato whakaaro hei whakaatu i te whakaawenga a te ahurea Māori i te tuakiri o Aotearoa.
ka taunaki ai	Me rapu ngā kōrero tautoko i te horopaki e tika ana, e whai mana ana hoki ki te rōpū e kōrerotia ana, inarā ngā kōrero e pā ana ki ngā whakaponu me ngā mātāponu o taua rōpū.
ka āta taunaki ai	Ka whakamahi i ngā kōrero tautoko whānui hei taunaki i te whakatau whakaaro. Hei tauira, ko: <ul style="list-style-type: none"> • te uiui tāngata • ngā tuhinga hītori • ngā pūrongo moheni, nūpepa rānei • ngā raraunga • ngā waiata tawhito.

Kuputaka:

whakaawenga

influence

mātātahi

young people

mātāpuputu

elderly folk

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233